

Индонезияда «Имом ал-Бухорий» масжиди очилди




09:08 / 10.04.2021 1531

Мусулмонлар учун муқаддас Рамазон ойи арафасида, шу йилнинг 9 апрель куни Индонезиянинг Чианжур шаҳрида чиройли мусулмонлар ибодатхонаси очилди.



Масжидга «Имом ал-Бухорий» номи берилган, деб хабар беради Podrobno.uz. Масжид 2020 йил март ойида мамлакатимизнинг Ислом меъморчилигини ўрганиш доирасида Ўзбекистонга ташриф буюрган Гунадарма университети архитектура факультети профессор-ўқитувчилари ва талабаларининг лойиҳаларига биноан қурилган.



Чет элда Ўзбекистоннинг ижобий имиджини тарғиб қилиш бўйича комплекс чора-тадбирлар доирасида, Жакартадаги Ўзбекистон элчихонаси Индонезиянинг Гунадарма университетининг 200 нафар талабаси учун 2020 йил 4 марта 18 марта гача Ўзбекистонга саёҳат уюштириди.

Индонезиялик профессор-ўқитувчилар ва талабалар Бухоро, Самарқанд ва Тошкентнинг тарихий меъморчилигини ўрганишди. Саёҳат якунлари бўйича Индонезияда Ўзбекистонда тарихий биноларни қуриш усулларини амалга ошириш бўйича тавсияномалар тузилди.

Орадан роппа-роса бир йил ўтиб, дунёда коронавирус ҳолатига қарамай, ўзбек меъморчилиги услубидаги масjid тўлиқ қурилди. Лойиха тўлиқ Гунадарма университети томонидан молиялаштирилди.

Янги масjidни безаш учун Ўзбекистон элчихонаси ходимлари Қуръони Каримнинг «Усмон мусҳafi», Имом ал-Бухорий мажмуаларининг деворий фотосуратларини тақдим этишди.

Хуршид Маъруф тайёрлади